

Aldo Salis

PUISIA

3° premio (Sassarese)

Acchí sigu a pienà chisthu pabiru
d'iscranfioni chi ciammani puisia
e m'escini cument'e lu rippiru
candu m'affoga la marincunia.

Acchí è chi sigu a raccontà a lu ventu
chi mi pesdhu abbaiddendimi la luna
e l'occi mi s'unfieggiani di pientu
si a un pobaru li fuggi la fusthuna.

Parini isthori invintaddi pa nienti
e fòri chi no sò di chisthu mondu;
parauri e bastha iscididi da la menti,
puppìi d'isthrazza fendi un baddu tondu.

La bozzi è, invece, di la me' tristhura
chi no mi nasci da la fantasia;
l'ippicciu nudu di chidda paura
chi m'ha furaddu tutta l'alligria.

Cussí mi frazzu tutta chistha vidda
senz'abé cunnisciddu pizzinnia
e m'ha invicciaddu la vana isthimpidda
di pissighí pai fozza una mania;

e minn'isthoggu cu li mani bioddi
e un sacchetti di sogni sempr'affaccu,
féndimi di chi soggu cori moddi
pa no dimmi chi soggu un poggu maccu.

Parò si chisthu soru è lu macchini,

tuttu lu mondu pienu ni vuria
 da inoghi finzament'a la so fini:
 un macchini chi ciammani puisia.

POESIA

Perché mai continuo a riempire questi fogli di scarabocchi che chiamano poesia e che diventano irrefrenabili come il respiro quando la malinconia mi sommerge.

Perché continuo a raccontare al vento che mi smarrisco contemplando la luna e che il pianto mi riempie gli occhi se un povero perde un'occasione fortunata.

Sembrano storie inventate per niente e favole lontane dal mondo; soltanto parole dettate dal pensiero, bambole di stracci che fanno una girandola.

Invece è la voce della mia tristezza che non è nata dalla fantasia; lo specchio nudo di quella paura che mi ha già rubato l'allegria.

Così sto sprecando la mia vita senza aver goduto la giovinezza e mi ha invecchiato l'inutile fatica di rincorrere ad ogni costo una chimera;

e me ne sto con le mani vuote e con accanto un sacchetto di sogni, sentendomi dire che ho il cuore tenero per non dirmi che sono un po' matto.

Se però la pazzia sta tutta qui, vorrei che tutto il mondo ne fosse invaso fino agli estremi confini: una pazzia che chiamano poesia.